



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Mannensi Episcopo, Archidiacono Bangorensi, & Priori de Insula Glannavo.

**urn:nbn:de:hbz:466:1-20006**

## LEGLENNENSI EPISCOPO.

*Epist. 231.  
Ut injuste spo-  
llatus Archi-  
diaconus respi-  
tuatur.*

**S**icut nostro est apostolatui reseratum, inter alia multa & gravia quæ H. fugitivus monachus Cantuariensis excommunicatus & maledictus in prædicium Ecclesiæ Leglennensis & anime suæ perniciem nequirer attentavit, post execrationem suam dilectum filium Ecclesiæ tuæ Archidiaconum in tantum metu suspensionis illato coëgit, eum exire de ipsa Ecclesia non permittens, quod ipsum archidiaconatus officium, vellet nollet, oportuit resignare: in cuius locum alius quidam fuit violenter intrusus. Cùm igitur idem monachus, tanquam fur & latro, non per ostium sit ingressus, nec aliquid de rebus episcopi quod invasit, per eum de jure conferri valeat vel disponi, omnibus ordinacionibus & dispositionibus factis ab eo penitus irritatis, ut de præmisso archidiaconatu & aliis dignitatibus & officiis canonice valeas appellatione remota tanquam proprius pontifex ordinare, quod ab eodem intruso factum est non obstante, liberam tibi appellatione remota tribuimus auctoritate præsentium facultem. Nulli ergo &c. Datum Laterani VII. Idus Decembris.

VLIX BONENSI ET COLIMBRIENSI  
Episcopis.

*Epist. 232.  
Non facilè  
qualisunque  
meus & vis  
votum resci-  
dit.  
Cap. Infinua-  
te. Qui Cleve-  
t vel voventes.*

**I**nfinuante V. nobili muliere nostro est apostolatui reseratum quod dum puer, & in annis teneris constituta, M. Sancij accepit in virum, qui ab inimicis crucis Christi fuit parvo post tempore interfectus: Post cujus obitum à quibusdam curialibus fuit Regi Legionensi pro relietæ copula supplicatum. Quod cùm ad consanguineorum ejus notitiam devenisset, ut maritum acciperet ei sub obtestatione regia suggesserunt. Ipsa verò quod tunc nollet nubere protestante, consilium accepit ab eis quod votum emitteret castitatis. Hoc autem in manibus cuiusdam de fratribus sancti Augustini eo fecit adjecto tenore, ut in domo propria cum omni sua substantia remaneret. Sanè in ejusdem ordinis habitu biennio post permanit, licet id se invitam fecisse assérat & coactam metu regio quam parentum. Post hæc eidem Regi quod fecerat indicavit. Quod approbans, vetus ne quis, ea no-lente, domum intraret ipsius, vel exinde

aliquid asportaret. Interim verò tempore modico elabente, P. curialis regias litteras secum portans, & F. Ferdinandi, dictæ mulieris domum intrantes, ut ipse P. vi saltem eam duceret in uxorem, acceperunt ab ipsa quod si eam idem P. duceret, ipsius manibus interiret. Post hæc verò dimissis domo & omnibus quæ habebat, in domo cuiusdam Iudei per tres, in Ecclesia verò sanctæ Mariæ de Veiga per sex latuit septimanæ, ita quod exinde propter necessitates humanas etiam egredi non auderet: tandem se coactam videns, & omnibus destitutam, & attendens nihilominus quod invita votum emiserit, eo dimisso de parentum consilio P. Michaëlis publicè fuit matrimonialiter copulata, de qua quatuor sustulit filios tempore procedente. Verum quia salutem animæ omnibus desiderat anteferre, ac metuens quod hujusmodi conjunctio licita non existat, quid super his tenere debeat, edoceri responsu nostro suppliciter postulavit. Nos ergo attendantes quod in emissione voti, quod præcessit, nulla vel modica coactio affuisse, quam patientia & perseverantia sequentis temporis penitus profugavit, & quod sequens conjunctio potius iniqua fuit & violenter extorta, fraternitati vestrae per apostolica scripta mandamus quatenus inquisita diligenter veritate, si præmissis veritas suffragatur, præfatam feminam ad male dimissum religionis habitum resumendum & servandum quod vovit monere ac inducere procureatis, & si opus fuerit, per censuram ecclesiasticam coercere. Quod si ambo, alter vestrum &c. Datum Lat. Kal. Decembris.

MANNENSI EPISCOPO,  
Archidiacono Bangorensi, & Priori  
de Insula Glannavo.

*Epist. 233.  
Ne ante lep-  
tenuim spou-  
salia contra-  
hantur.*

**P**ostulavit à nobis dilectus filius vir nobilis R. Princeps Norvualiae, ut de concessione nostra sibi liceret filiam dilecti filij Principis Insularum subarratam ab ipso accipere in uxorem, non obstante quod patruo ejus eadem infra nubiles annos exitit despontata, cùm tamén à neutro traducta fuisset. Verum quoniam nobis constare non potuit cuius ætatis puella tempore subarrationis vel despontationis extiterit, & cui antea fuerit, puta nepoti vel patruo, despontata, cùm secundum diversitates facto-

rum jura etiam sint diversa, in hujusmodi certum non potuimus dare responsum, quoniam iuxta canonicas sanctiones in rebus ambiguis non est absolutum judicium proferendum. Volentes autem, quantum cum Deo possumus, justas postulationes praefati Principis sine difficultate qualibet exaudire, inquisitionem eorum quae præmisimus sub certa forma examinivestro duximus committendam, quid juris sit in singulis articulis supponentes. Quocirca discretioni vestrae per apostolica scripta mandamus quatenus vocatis ad præsentiam vestram quos videritis evocandos, sollicitè inquiratis utrum puella septennium non attigerit quando subarrata extitit à nepote, vel patruo despontata. In utroque namque istorum casuum, quia tam subarratio quam despontatio de jure non tenuit, quæ non potest septennium prævenire, quod factum est à patruo primò vel postea non obstante, nisi aliud quid impedit, puella eadem legitimè contrahere poterit cum nepote. Si verò tam subarrationis quam despontationis tempore septennis extitit, vel majoris ætatis, cùm ex tunc incipient placere sponsalia, si præcessit despontatio patrui, non potuit contrahere cum nepote: quoniam secundūm traditiones & observantias regulares nullus potest sponsam consanguinei sui accipere in uxorem, & hi duo casus non ad imparia judicantur. Si autem subarratio facta cum nepote præcessit, quod securum fuit postea non tenente, cùm per secundum factum non potuerit primum dissolvī, quod quantum ad sponsalia sortitum fuerit firmatum, volentibus personis principalibus, matrimonium inter eas poterit consummari. Si verò nepos eam ante septennium subarravit, & patruus in septennio vel post septennium despontavit eandem, nepos eam propter rationem præmissam ducere non poterit in uxorem, si, vice versa eam sibi legitimè poterit copulare. Pro iis quæ præmisimus memoriarum commendatis, cùm de facto vobis constiterit, de jure non poteritis dubitare. Vos ergo appellatione remota secundūm præmissas distinctiones injunctum vobis curetis negotium diffinire. Quod si omnes &c. tu, frater Episcope, cum eorum altero. Dat. Lat. VIII. Kal. Decembris,

ABBATI ET CONVENTVI  
sancte Marie de Prato de Leicestre.

**Q**uanto populus Iudaicæ cæcitatibus superficiem divinarum scripturarum attendens, & negligens puritatem medullæ, quæ doctrinæ spiritualis in se continet intellectum, damnabilius in sua contumacia perduravit, & se ipsos adhuc involui permittunt in baratro tenebrarum, tanto his qui tenent, & amplectuntur fidei veritatem, & desiderant propagationem nominis Christiani, amplius est in Domino congaudendum, si qui gratia sancti Spiritus illustrati, abrennuntiato errore Iudaico, à tenebris se convertunt ad lucem, & fidem recipiunt Christianam; & attenta est solicitudine providendum ne inter alios Christi fideles inedia deprimantur, cùm plerique horum pro indigentia necessiarum rerum, post receptum baptismum, in confusione non modicam inducantur, ita ut plerunque, faciente illorum avaritia qui, cùm ipso abundant, Christum pauperem respicere dediantr, retro cogantur abire. Hinc est quod cùm dilectus filius R. lator præsentium ad commonitionem cujusdam nobilis viri, spretis & postpositis omnino divitiis quas habebat, Christum potius sequi volens quam in luto divitiarum putrefacti, baptismi receperit sacramentum, & nunc præfato nobili viro viam universæ carnis ingresso, qui sufficienter ei necessaria ministrabat, ita paupertate gravetur, ut non habeat unde vita sustentationem possit habere, per vos ipsius necessitati provideri volentes, discretioni vestrae per apostolica scripta mandamus atque præcipimus quatenus ob reverentiam illius per quem ipse lucem veritatis accepit, taliter ei necessaria ministretis, quod in viatu & vestitu convenienter sit ei provisum, scituri pro certo quod gravior & molestè ferremus, nec possemus sub dissimulatione transire, si mandatum nostrum, quod opus continet in se pietatis, relinququeretis aliquatenus imperfectum. Datum Lat. Nonis Decembris.

CISTERCIENSIS MORIMUNDENSI,  
& de Crista Abbatibus.

**E**A est in favendis virtutibus & vitiis extirpandis à Prælatis Ecclesiarum fervanda discretio & circumspectio adhibenda, ne vel internascentium densitate

Epist. 234.  
Vt pauperem  
quendam, ex  
Iudeo Christi-  
anum, alant.

Q q q iii